

Sipas të dhënave që kanë publikuar autoritete shëndetësore në Egjipt, këtë javë kanë humbur jetën 61 persona si pasojë e temperaturave të larta, raporton Anadolu Agency (AA).

Të paktën 21 egjiptianë kanë vdekur si pasojë e valës së të nxehtit që ka përfshirë vendin të martën, duke e rritur numrin e të vdekurve shkaktuar nga moti i nxehtë në 61. Numri i viktimave është konfirmuar edhe nga Ministria e Shëndetësisë së Egjiptit.

Në një deklaratë, ministria ka konfirmuar se 10 persona kanë vdekur në kryeqytetin e vendit, Kajro, ndërkohë që viktimat të tjera janë raportuar në krahina të ndryshme në të gjithë Egjiptin.

Agjencia Zyrtare Shtetërore për Motin ka njoftuar se vala e të nxehtit që ka përfshirë Egjiptin pritet të vazhdojë deri në mes të muajit gusht.